

T 5422/7671.2

1

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

THE UNIVERSITY OF CHICAGO
HUMPHREYS LIBRARY
1421 OF 1421

屠赤水白翰集序

江夏守應泰元父撰

音素靖開久七大夫修西京

之紫

關下武然以理義之文應博

海內外想聞其年采天不卷

屠赤水白榆集序

哈佛大學漢和
圖書館珍藏印

江夏丁應泰元父撰

當嘉靖間六七大夫修西京
之業

闕下魁然以理義之文應薄
海內外想聞其年采天不慙

遺李侯早世不佞不及濟南
泛鄉曲而習下雉從公車而
得弇州從筮仕而親太函三
君子幸油然而下不佞為之
遜席者屢矣不佞令新都且
久而狎侍太函太函每談藝

臚數海內諸名家輒首及雪
柱本寧李先生東海長卿屠
先生云二先生先後入新都
締白榆社而長卿且再至尋
筮其所著業而質太函太函
嘉之忻然任為序社中生程

白梅集
元方伯仲任剡剡行焉甫鳩
工而司馬下世梓人且歎去
元方不但已也司馬有成言
益替之踰年而告成事元方
貽書不佞太函頽矣弇山甌
甄先後崩且圻誰為導白榆

集去夫子固有意乎記余客
長郊海陽允澹月日呼酒竟夕
語文則自卦畫典墳索丘左史
傳語肇自三五以及先秦西
京建安閣元升降之格誌子
百家之旨以至二氏靈寐之

旨五金八石藥物之性山川
之司靈鬼神之情狀元會運
世之終始通叩而通得之莽
不可以窮詰長卿又銳於思
而饒於材察察數語結構自
豪頃刻萬言淋漓自喜以立

取而立無母所躡於楮腐於
毫夫非人傑之絕資作書之極
則乎哉今其集具在分部者二
分卷者二十計言者餘億萬騷
賦似揚枚五言古凌三曹出二
謝次沿六朝七言歌行出樂府

白梅集
時太白之致近體五七言律
美排律備具大曆諸子詩餘詞
餘絕類宋元序記跡啓表議
榮論碑銘贊傳哀誄之文出
東西京書牘出左國而於于漢
魏靡所不該而膏也長卿具此

亦足以雄矣長卿兩為令差備
良以不能附會僅得入為郎為
典客已在願乃甘心中之長卿
罷矣長卿矢後事吾生之學攝
玄之希太上而既罷夷然故吾
中無幾微動僂乎采真行遊

益自落穆世外菲萋之兮安所
冒長卿也不幾于益首陽而騶
柳下者耶嘆乎太函終而嘉靖
間六七大夫且盡

熙朝之人文無餘矣幸而才如
長卿後廢棄之牢騷園瘞之鄉

早躡而晚達遠出六七大夫下
豈文章之為賈窮也哉文以窮
而後工亦以工而後傳窮何病焉
祇以成長卿之不朽而已本寧
李先生業已退耕江漢文人多
窮固非虛語余深序長卿集而質

白梅集
之李先生庶幾乎太函無浮譽
哉元方伯仲急太函於沒而急長
卿於窮浩然行其集而無私帳中之
秘其陳義亦良足重矣是為序

萬曆庚子皓日



白榆集序

新都程涓巨源著

東海屠長卿先生故藉諸生稱古
文辭傾海內作者既上公車兩拜
剡縣令於時懸書邑國為由拳集
峨、乎高者躡九峰津津乎溪者

潤三泖斐然成一家言及先生以
治行高等拜為主客郎薄海內外
爭趨先生京師總持風雅其門如
市忌者願得而甘心中之於是絕
纓疑而滅燭罷先生以道民行矣
于時笑而傳之于越為栖真集彬

乎而富宗廟百官飄乎而超
遊仙巖壑卓然多大方之家言先
生既堅自罷而居常修古罕今屬
辭不廢寤寐三天子由東海而訴
新都始至則講業太函繼至則乞
靈素岳悉篋先後所就業質成司

白木集
馬而社白榆是為白榆集決、乎
視由拳則絜大瑟瑟乎視栖真則
較精矜然鼓吹衆氏而錯出百家
言司馬氏丞多之以屬余宗太學
元方伯仲梓而布焉謂不惠洵序
矣不惠謙不敢而司馬固命之余

固自有道守也欲以生質也生好言
屠先生先生何脩而得此哉不惠
辭不獲敬起而颺言語有之天不
人不因人不天不成先生所因而
成者畢有合也

國家稽古右文直將超漢唐而比

白格集
虞夏著作代有興焉天造之初
論已一盛于成弘再盛于德靖海
內靡然向風至隆萬之間六七大
夫勃然起盛矣矣茂以加矣資
適逢世是文章乘王氣時也著述
遞起薦紳炳然多經世之業由是

尸祝古先糠粃近代祖騷禰選薄
宋黜元重熙累洽中外相應時則
優為之矣天地美秀之氣盛于東
南而迫盡乎江海先生家甬江之
北大江四面環抱海門之秀奔薄
雄結寨廓涵濔之靈寔鍾焉其斯

白梅集
以王百谷滙隩區俊民豪賢比屋
接軫震旦文明之域所鳩聚而醞
釀者詎不為先生勳耶夫人幼學
而困帖帖壯行而困功令及免官而
計無復之困于自廢岷然著作之
迹睦乎其後望：然去之矣先生

治博士業故有雋聲為令：名為
郎：名早服重積孳：靡替即櫻
不根之謗而益務不厭之勤居常
恥為豪舉歆然自下即其操行萃
萃亡急近名嚴事則推先進槩拔
則急末流師資麗澤庶幾論世而

白木
遍寓內已無所靳其交人無所愛
其情矣稽時則如彼揆地則如此
取人則修益若是其無方天因而人
成先生脩此三者固全也文不在
茲乎先生早負重名文采風流照
耀海內海內計以為有七賢六逸

風致即而就之則恂々然木疆少
又易簡而已嘿存而已跡先生名者
猶然疑于市席習先生狎者雖有
三至之言若風馬牛不相及席豹
來田飭騶虞而獬豸之矣文人多
隙固當先生且也先生晚而帥友

造化冥心太上睢、盱、儵忽混
沌雖有毀譽置之兩忘純白備而
不居正常解而使去安事沾、雜
組為也即由拳棲真白榆三集者
鼎立而並行不啻菊狗視之耳于
先生何有哉有以觀竅無以觀妙

請以有無之間就正司馬司馬當
別有眇論持焉不惠消生也賤交
先生淺而深得其為人
不避不文叙其大槩若此言正足為先生重
而祇毋為先生贅矣

萬曆庚子春正月吉



白榆集目錄

卷之一

賦

明月榭賦

逍遙子賦

五言古詩

遊仙詩

衆芳亭燕坐

示煙閣

白朴集
青谿泛舟

聞周元孚至自楚却寄

詠懷詩四首

廷尉

宗伯

學憲

道印

寄荅汪長文

寄荅劉子威侍御

寄曾大司空

送同伯孝廉北上公車

留別王敬美道丈二首

夜宿恬憺觀二首

春日風雪過開之綺雲館作

登彭城子房山與仲文

遼陽曲四首

送曾子健侍御左遷還吉水

贈湯義仍進士

圯橋進履圖爲胡民部賦

春夜雙寺看月

宿雙寺

由虎跑散步入三天竺

登吳山宮觀眺羅刹江

送王蓋竹先生還天台

奉送蔡師出按淮陽

送羊子豫侍御出按江南

紫陽庵作

東湖宿大慈寺

大伾山莊詩

寄沈士範因憶先太史君典

送孫文融扶太夫人喪還勾餘

贈張洪陽司成四首

范生詩

荅贈程元方

荅贈程思玄

荅贈程延清

寄左司馬汪伯玉先生

卷之二

七言古詩

荆堂篇寄壽程母戚晚邵太夫人六十露觴
祠

西泠歌贈陸君策

容膝軒爲喻邦相賦

讀蕭諫議使琉球錄歌

送趙兼父侍御請告還金華

邵伯湖

寄瞿生甲

卯上澄照寺作

李之文落第詩以慰之

贈伯英諸孫

唁和叔

元夕集王使君宅觀燈

贈文長諸孫

贈李之芳

贈崑崙山人遊天台訪顧益卿使君

贈方衆父

贈陳道醇

贈張長輿

王余峰爲其友人崑泉居士索詩賦此

山中吟

題范太僕天平山圖

虎頭孫子歌贈顧仲方秘書

赤帝玄夷歌贈黃白仲

寄左司馬汪伯玉先生

贈龍君善

秋夜同郭舜舉蔡伯華王季孺金玄明詹政

叔燕萬伯修宅聽李金吾琵琶

排空歌贈余宗漢山人

題李龍眠畫十八學士圖

石雪山人歌寄贈汪長文

寄贈楊伯翼

青霞山人歌爲王受吾

于燕芳年二十以布衣上書自稱華亭民余
讀未竟色動亟命召入相見信有正平之

才索予以長牋答之不許復索長歌又不
許無何折節閉門讀書不與外事者三年
余聞而贈此

畱別元美先生

南滁大雪歌

贈王季孺孝廉

長歌行贈萬丘澤武選

彭城歌贈姜使君仲文

沛縣登歌風臺弔漢高祖

任城登太白酒樓

劉御史歌

去婦歸爲趙汝師太史作

彭城姜使君邀登蘇子瞻放鶴亭作

卷之三

七言古詩

公子行贈宋西寧忠甫

薊門行贈益卿使君

青谿道士吟畱別京邑諸游好

白梅集
桃花嶺歌爲楊太宰賦

送顏質卿舍人同詹政叔登泰山

贈謝仲毓山人

贈別鍾公旦文學

題王諫議家五大山水歌

砥柱

洞庭

金山

錢塘

灑灑

潞河贈別蔡參軍孺觀

顧朗生江左名流與余彼此相慕悅有年未
嘗結託余在燕京座客常滿時朗生亦客
京師絕不相見比余被讒挂冠東去發舟
潞河朗生提壺策蹇遠送河干且手出五
詩贈別余感其高義賦長歌以贈之

留別萬伯修

寄壽方翁

白梅集
九疑篇贈周淑南

長安元夕聽武生吳歌

走筆答董伯念膳部

送鄒爾瞻給諫以言事左遷南北部

送范國士侍御以言事免官歸高安

春夜集潘士遠宅

弄臣篇贈詹政叔

贈董伯念膳部

陸母太夫人壽歌

庚辰五月沈嘉則王百谷馮開之田叔見枉

青浦署作

寄劉觀察先生

贈程子虛

贈湯慈明

送丁右武侍御謫潞安司理迎母南還

鄒舍人歌

董逃篇

採花涇篇贈徐文卿

目錄
贈吳生

君不見

贈吳山人昌齡

送楊漢卿之金陵兼柬馮咸甫

金生歌

贈朱汝修

贈周生還吳興

中秋燕郭舜舉兵部宅

題玉芝館

贈董玉几山人

黃山山人歌贈吳孝甫

卷之四

五言律詩

寄周元孚

潞河晚泊二首

雲居庵作

哭姚進士

慧山寺

八公山

崧澤表將軍祠

二陸祠二首

周元孚至吳門負約不至以詩憾之二首

感悟四首

哭伯兄四首

夏日縣齋卽事八首

雲間十咏

春申浦

顧野王讀書堆

寒穴泉

吳王獵場

秦皇馳道

採花涇

黃耳塚

三女岡

赤鳥山

滬瀆壘

夏夜小集得乾字

送藍丞歸隱南康

登鳳凰山二首

廢縣

金澤寺四首

泛澱山湖三首

首夏遊超果寺因過陸君策水竹居

贈錢太守

螢

白頭公

鶴

中秋夜集

青谿卽事二首

畱別沈孟嘉

畱別郁孟野

秋海棠

虎丘

弇州園池上泛月

彭城渡黃河

劉觀察先生罷官歸蜀感賦

任城道中聞殷無美方衆南梅客生諸

君登第識喜

聞瞿孟堅墜車傷足不赴公車而還使人物
色之不得其的耗爲之愴然有作

懷田叔六首

春日懷桃花別業十首

治平寺

鷄栖園

夏日過譚氏玉芝園

誚黃侍御四首

同范太僕莫廷韓徐長孺彭欽之泛舟青谿

登天馬山懋蕭寺限韻

五言排律

夢登太和

寄魏懋權太常

弔李太白

孟冬行部經舊縣作

哭君典太史

卷之五

七言律詩

東郡登光岳樓

贈吳生

莫廷楷 吳孝甫小集得花字

送表履善南遊天台雁宕諸山兼訊表黃巖

明府

楊公亮太史奉使東藩暫留西湖却寄送周

明府入覲

送楊別駕考績之京

壽表履善二首

集履善海月樓限韻

送范司理之南比部

送沈君典北上四首

訊孫以德太史

送黃太史還朝

白朴集
目錄
送陸伯生同黃太史北上

夏夜泛舟青谿得東字

水上聞簫

寄陳伯符

寄沈少卿

寄座主朱太史先生二首

寄沈茂仁太史

寄沈肩吾太史二首

寄君房箕仲四首

讀李惟寅貝葉藁却寄

寄瞿睿夫二首

寄張太史

寄楊伯翼時伯翼居先大理公喪久不通訊

嵩澤弔袁將軍二首

弔二陸先生二首

夷光

要離

伍員

白梅集
目錄
范蠡

浣紗女

讀楚漢春秋

讀吳越春秋

讀高僧傳

讀真誥

讀王子年拾遺記

讀高士傳

朱竹

夏夜衙齋宴集張玄超莫廷韓諸君限韻

讀皇甫司勳集却寄二首

讀平蠻奇勳全錄寄荅曾大司空四首和孟

孺新秋感興二首

酬鄔汝翼見贈之作

送徐澤夫北上

和王辰玉辛巳秋日直塘拜曇陽大師新觀

感懷之作

和辰玉感大師樓前盆荷之作

白梅集
目錄
送陸君策遊西湖

喜顧益卿擢參浙藩却寄二首

行脚僧

倪使君聞報慙還會稽却寄

秋日登天馬山絕頂

贈張谷吹先生二首

寄荅張太史二首

贈龍司理

上瑤翁師相四首

送馮開之太史北上二首

北固山

贈唐嗣宗

陸君策至自茅山却贈

合桃

懷徐茂吳

招杜山人不至作詩調之

湘靈鼓瑟

黃鶴樓

白梅集
黃陵廟

巫山高

送陶比部懋中北上

送王辰玉徐孟孺薄遊金陵二首

卷之六

七言律詩

送陸太僕北上

寄曾司農

寄周允登文學

水仙

芍藥

大士蓮

羅漢松

猿

水鳧

新鷺

宮中白鸚鵡

宮中黃鸚鵡

雁字

七姊妹花

寄題李之文青蓮館

寄題文長朝曦閣

王孫行爲吳茂倩

寄余相國四首

元美先生偶出過青谿余拏舟相見城下竟

夕嗒然別去明旦以一詩見詒率爾寄荅

豫草朱可大大理出宰浯谿寄訊一首時余

不通聞問五稔矣

百穀先生拏舟載酒道送征夫毘陵道上臨

別感動爲賦此篇

再登仙師樓居觀諸靈蹟是仙師修道處

寄題五嶽

中嶽

東嶽

南嶽

西嶽

白木集
目錄
北嶽

中途雨雪懷開之太史四首

懷陳伯符

懷沈箕仲

懷余君房

淮南道中懷瞿孟堅

懷故人瞿睿夫聞其令子得雋楚

亦爲識

喜

彭城遇姜仲文使君

哭張大

雲間董逸少祝髮爲僧以詩慰之

懷莫廷韓留滯燕京

懷沈肩吾太史

金陵八詠

石頭城

桃葉渡

雨花臺

燕子磯

秦淮水

莫愁湖

蝦蟆陵

烏衣巷

贈邢子愿侍御二首

贈陳玉叔先生二首

春夜同陳玉叔莫廷韓傅伯俊邢子愿胡元

瑞集朱汝修齋中

燕市逢胡元瑞

同傅伯俊夜宿開之綺雲館

贈郭汾源武選

壽沈太母七十詩

訪劉仲修觀察

贈陳廣野給諫二首

同張助甫陳玉叔余君房萬伯修傅伯俊梅

客生莫廷韓黃定甫朱汝修集盛泰甫山

人宅得魚字時山人奉母東歸

贈朱汝修

贈羅敬叔

無題四首

出京寄殷無美

送表微之遊嵩少

寄李季宣

寄鄒進士爾瞻二首

燕齊道中贈傅伯俊四首

東郡隆興寺贈覺蓮禪師

白閣燕集贈狄明叔將軍

哭程思玄太學

卷之七

七言律詩

長安卽事四首

任城覽眺

淮徐感興

奉懷母夫人

代內見懷

懷李之文之芳吳昌齡文長伯英諸子

懷嘉則賓父伯翼長文田叔仲初鄭朗諸君
懷元美元馭敬美三先生

懷王辰玉道兄

懷王百穀陸伯生彭欽之徐孟孺郁孟野沈

孟嘉曹重甫諸宜甫諸子

鄒爾瞻自戍所賜環喜劇賦此

同姜仲文使君登子瞻黃樓矚眺

贈陸無從

題柴仲初芳草齋

贈張念華侍御

贈張肖甫司馬四首

訪王玄靜

贈馬水部

張肖甫司馬招飲三茅觀絕頂是夜遂宿觀

中

鄒爾瞻自戍所召拜省郎識喜三首

傅侍御自海上戍所召還臺中作

吳太史召還作

白梅集 卷之八
送劉惟衡給諫之留都

送兵科給諫鍾道復年兄之金陵

陳思進拜吏科給諫却贈

題陸敬承太史芸香館二首

和王恒叔登玩花臺故息夫人臨妝處

贈林景侍御

聖駕幸天壽山恭述

聖駕幸老君堂仙人洞恭述

北上彭城別姜仲文二首

送徐華陽方伯入朝東還道經宣城因憶故

君典太史

送袁文毅左遷滄州別駕

贈范國士侍御

送吳山人遊泰山

贈朱文臣吏部

奉送大宗伯徐公致政歸三吳四首

賦得西望瑤池降王母得瑤字

送徐孺旭還吳

白木集
目錄
寄郁孟野

雪夜集徐文卿宅

寄胡從治開府二首

寄梅客生明府

雙林卽事

寄呂使君二首

都下贈洪孝先山人

贈鄒舍人孚如

送范屏麓大司成還吳興

送喬曹長備兵并陘三首

輓馬鐘陽大司徒先生

贈劉衛尉

贈沈純父符卿四首

送殷無美出守夷陵二首

舒崇孝陳鳳父王季孺徐伯衡史長靈者言

士攜酒見訪賦贈

送王茂大出僉楚臬

送趙汝師太史還吳二首

自亦集
目錄
寄壽朱大司空

送朱可大水部奉使青齊暫還豫章壽其尊
人大司空公

送董伯念予告還吳興四首

贈蕭以占太史二首

沈純父符卿蕭以占太史以孚民部龍君善

司理集小齋作

同龍君善飲董伯念齋中時伯念以請告將

歸吳興

送董繼可比部以言事左遷萬全幕僚

送許西峪出守衡州

送關仲瑀還南海

黃白仲由白下之燕見過邱中荅贈

送蕭以孚民部出使江淮

贈顏質卿舍人

贈任子賢舍人

送周少魯之南光祿

送張侍御出僉閩臬

秋夜同余宗漢大令楊公亮太史王季孺吉
士黃白仲山人燕宋忠甫君侯第得寰宇
九日余宗漢明府宋忠甫君侯李叔玄民部
王受吾秘書季孺吉士秦君陽文學金玄
朗黃白仲詹政叔三山人朱汝修楊士駿
二侍御集余寘寥館
都下送茹懋集還毘陵
登檀州城
贈別于民部二首

留別李叔玄計部

登古北城懷顧益卿使君

集孫漢陽郊居

卷之八

五言絕句

寄開之金山寺四首

送林仙客還四明

江北謠十八首

江南謠十九首

題水月主人

題無礙居士

六言絕句

和辰玉悼亡之作六首

省悟十首

七言絕句

戲贈沈生買吳姬二首

胥門

館娃宮

小君山

華陽洞

禦兒港

恭送曇陽大師十九首

寄傅伯俊二首

寄江陰胡明府

寄題程氏百花亭

湖上曲十首

題孟孺畫扇

喜王敬美督學棄官歸隱六首

董節母

題松庵上人卷

送長吉諸孫東還二首

寄姜仲文四首

史相國墓下作四首

贈道者王佺峰先生

寄李之文

潘載父下第謁李臨淮歸詩以慰之

聞瞿孟堅擢桂楚中喜賦四首

唁鄒進士二首

留別袁履善四首

留別辰玉道兄四首

留別徐孟孺道兄二首

留別陸伯生二首

留別彭欽之二首

留別周季華二首

留別曹重甫二首

留別諸宜甫兄弟二首

留別沈孟嘉二首

留別郁孟野二首

百穀以七言絕四十首送行驚心動魄秀色

可餐余復荅以四絕可謂淫於詩矣

金陵道中八首

山居雜興四十首

憶君典十四首

竹枝詞三十首

集紫霞山房得山字

長條曲爲友人賦二首

女蘿曲

都下逢吳叔嘉

煙雨樓六首

石湖五首

吳江夜泊六首

真如寺四首

薊遼大捷饒歌八首

白榆集
明月梅花詩四首

古北口歌十首呈張制府

西湖懷古四首

白榆集卷之一

塔佛大學漢和
圖書館珍藏印

東海屠隆緯真著

賦

太末龔堯惠梓行

明月榭賦 為沈嘉則先生

隱侯秀世轍古躡今標韻朗暢才美鬱沈埋光削跡
退栖中林截孤雲而抱影指冥鴻以喻心窺遊魚于
青沚舒鳳嘯於碧岑時而行遊泠然御風揚颿江上
蠟屐山中或采瑤芝或拾古松東探林屋之洞南躡
大王之峰發響摩蒼煙送歌凌飛淙歸來掩關獨立

巖窠乃築高閣之蒼蒼開芳榭而延明月不戶不牖
豁焉蕭曠峰巒四面而繚崇垣又取丹霞以爲屏障
長江日夜走其下天漢輓輓而挂其上虛空不壞巨
石無恙仰逼帝座頰臨盤渦夾以杉栝罨以藤蘿近
而眺之眇綠樹兮若薺遠而矚之堆列岫兮青螺當
三五之良夜吾想夫君之婆娑陰峰日落高秋登臺
涼風灑衣神飈蕩迴海水乍湧望舒忽來芙蓉露披
平江鏡開初隱岫而半珪漸溶溶而出篋綠煙盡滅
絳雲微接踈星斜點水光相曄萎蕤芳蘭之隄裴徊

紫苔之閣驪龍獻此大珠神女呈其寶曆澹清輝之
媚人客匡坐而搖箏又如青陽布令萬物增耀萬冒
長坂莎彌大道春湛湛而可憐月娟娟而始照入楊
柳而蕭疎經芍藥而窈窕濯春羅之粼粼羗把酒而
孤嘯又如平沙莽屯空雲凍咽江光低斂人跡杳絕
林開鳥驚萬里如揭明月在天下映殘雪維彼幽人
登覽超越披鶴氅搥龍笙吸灑氣收淒清羨姮娥之
耐絕冷思泛黃鵠于瑤京若乃履綦來莓苔破佳賓
零亂朗月宵墮解衣礚薄歌吹荅和彈碁則松風薦

爽鳴琴則山溜入座又若花逕雨歇雲房鐘斷車馬
不喧郊居蕭散蘭膏欲落桂魄初滿遶赤欄而獨行
度白苧而聲緩其藏書則楞嚴檀經陰符黃庭總二
酉之秘藏發五嶽之英靈飛揚則四海相蕩沉寂則
六合爲冥其臨文則上蒐九天下窮九淵思奔罔象
毫揆雲煙試登高而望遠羅震旦而成篇吁嗟噫嘻
高臺旣傾曲池亦平楚舞電滅吳歌露零悵柔絲之
與苑蔓野鳥下而飛蟲鳴念繁華其何益豈若茲臺
之表幽貞抱朴見素乘理來往千秋一瞬大地一掌
苟睹其然何物不妄樂哉茲丘悠悠天壤朝暎非不
嘉夕月尤足賞于是爲之歌歌曰川原澄兮雲氣鮮
瑤臺朗兮兔魄圓掇紅蘭于長谷寫朱弦于山泉復
歌曰昨日登臺兮衆草柔今日登臺兮風颼颼良夜
一何短明月一何遭登臺旣有酒君不樂兮空憂

逍遙子賦

逍遙子稟性冲夷抱志幽獨形羸氣充外通內朴旣
祝蕩而少營亦清虛而寡慾絀機械以完真削崖異
而混俗弗拒以峻我守者谷勿捷以徑我堅其輻仕

靡耽榮學靡干祿進不能滑稽圖詭以媚人退乃脫
落鶻爽而翔于寥廓所味者道所嗜者古究竅妙于
玄門遵名教于鄒魯託道逢于漆園學澹漠于鄭圃
悟真空于古佛求不退于淨土參三氏之大同以五
陵爲教主遊方外而非蕩遊方內而非苦處高貴而
不盈履窪下而罔窳窮源象帝之先蒐形萬物之母
世法不驚其神有生不滑其府時而發其鉅麗吐其
菁華無津以涯象罔所嗟有爛其葩帝所宰邪當其
湛也歸虛大壑當其浮也弱水流沙當其和也雞卵
龍珠當其峭也魚腸鑊鄒當其緩也遊空之絲當其
疾也下坂之車當其質也垂秋之實當其藻也迎春
之華其適以驩也條風鼓瑟其愁以慘也急雪悲笳
其潔以朗也峨眉皓月其秀以逸也玉洞青霞人但
見其儵忽變幻之氣沉雄權奇之才發爲雷電鬱爲
龍蛇而不知其所收者曠所寄者遐也忽焉冥寂如
龍投鉢奄焉嗒焉如鳥巢佛霜降兮水清華落兮葉
脫其心則死其機則活每實腹而虚心亦弱志而強
骨神遊天上形遊人間形遊者有間神遊者無端形

遊者與人爲徒神遊者與天齊肩或形閉一室而神
之八極或手策一杖而足躡千山路虛而往觸實而
還吾不能知其去之與來又安能名其凡之與仙無
端者難狀有間者可言乃營六合乃覽大荒乃構神
室乃築虛堂割鴻濛以爲棟截虹霓以爲梁通日月
以開牖列星辰以翼廊引蒼煙以爲竈結白雲以爲
房挂銀河以捲幔疊青霞以鋪牀十洲三島以爲別
業胡麻沆漚以爲資糧若夫春陽生矣春鳥鳴矣
波平矣垂柳榮矣二八青童三五良朋戴九華之冠

垂五紋之纓曳飛雲之履抱鳴鳳之笙鞞鞍散步杖
策徐行旣踏花而照水亦藉草而傳觥南陌聞斑鳩
之語東郊聽黃鸝之聲若夫紅藥謝堦朱荷出沼靈
龜戲萍嘉魚躍藻檉柳垂絲垣牆蔭蔦風泠泠而度
牖月娟娟而在篠爰約幽人爰恣冥討偃卧石室之
陰舒嘯長松之杪若夫秋飈颼颼秋天嗟峨山增其
秀水增其波霄露下而樹冷鐘聲出而雲和石牀無
人掃黃葉何其多樂風日之凄緊收清氣而婆娑若
天寒花斷紅枯草罷綠冰合迴谿雪深茅屋樵人晚

歸漁舸夜泊凍雲平而濶垂亂峰歿而尖矗或披一
簑于修坂或策一蹇于深麓呼濁酒而盪胸尋梅花
而娛目爾其山居次寥茅齋清曠杉栝成行藤蘿相
向蘭葉乍焚松花初釀童子報而客到石潭映而月
上器廢形骸禮忘揖讓或酒或茗一謳一唱卽天地
其可遺混物我而齊喪又或客去屏喧雲來助幽跡
與俗遠心將道謀授十六觀于剡賓之白馬領五千
言于函谷之青牛以致虛守靜爲玄津之後以求真
除妄爲般若之舟期身心之大定務性命之雙修又

或瓢笠自隨孤雲野鶴擷靈秀于九州訪異人于五
嶽不釋朱門不厭藜藿或一朝而走千峰或十日而
留一壑詎敢謂盧敖之遊亦庶幾榮期之樂浮航普
陀朝大士于南海裹糧竺國參釋迦于西天沙羅聽
五色之鳥玉池采九品之蓮少林觀面壁之處曹谿
想衣鉢之年顧瞻曲阜乃過東魯佩服苦縣乃入西
秦白鹿青羊叩玉虛于玄嶽翠麝丹鳳謁金母于崑
崙恒有太陰岱有元君華有玉女衡有南真石室許
史緱領玉喬重陽七真句曲三茅莫不萬里獨往一

日再朝日眩金幢耳聞笙簫唱和步虛之曲廢歌白
雲之謠居則棲霞而暝出則御風而行所居非室所
駕非輶心與炁合體與道并是真排虛空而直上安
知世俗之所營嗟乎富貴可求也當食廢筋低而斷
腸斷腸何爲我思金張臨樂三歎潛焉涕下涕下何
爲我傷王謝身都將相連姻戚里奕葉貂蟬累世金
紫列屋萬間擊鐘千指仰之者若泰山奔之者若流
水時移運去倏爾銷淪高門大第以屬他人朱輪華
轂今無一存花飛電滅化爲灰塵雖榮華于一旦終
零落乎千春功名可立也飾智矜能賈勇鬪力精乃
銷亾玄髮早白僥倖乎其所難成馳騫乎其所必得
麟閣丘墟雲臺陳迹子孟不終韓彭離戚沉碑計左
勒石寡識存青史之空名于白骨乎何益聲色歌舞
可娛也香粉骷髏妖狐鬼祟生假芳澤歿同凶穢而
使人志戀神迷精枯形悴以火自熬以劔自削在時
受毒沒爲流淚笑彼夫其何昏嗟千載而如醉舞衣
爲土歌扇爲灰兔遊金谷鼠走銅臺南國一以去西
陵竟不回嗚呼悲哉余登城郭人民如煙蛾眉老醜

白梅集
黑髮華顛代復一代年復一年瞬息倏仰已非昔焉
若審暑之相推若洪波之邁遷庸知有生之爲累惟
情識之是牽得失外擾憂喜內煎苦海火宅之中旣
無解脫蜉蝣蟭蛄之畧寧有長延余望丘隴鬱鬱蒙
茸疇爲廝養疇爲王公朝遊上國暮闕幽宮吾不知
其燕韓之與趙魏吾不知其椎魯之與英雄千憂百
慮一往俱空茅茨華屋總逐飄風又何用決東海之
波錮南山之銅者哉又有埋光沉照而逃于酒一飲
一石解醒五斗載冥其心載濡其首或散髮而披襟
亦雷轟而鯨吼故有但願釀酒銷腸不與日月齊光
請監步兵喜得地黃願封酒泉自號醉鄉逢虎不怖
墜車不傷蜈贏一豪睥睨八荒頽然而遊混沌一醉
而到羲皇昔人有欲鱗螯酒船以送頽陽在世無恨
恨飲酒不足以爲嗟傷者矣然猶謂沉湎非德荒淫
多敗孔曰無亂釋列五戒性情以陶腑臟以壞奈何
頌酒之德忘酒之害酒以遣物酒去而物來醉以銷
憂醉過而憂在孰與夫栖神抱炁致壹致專以太和
之湯而滌其腸胃以龍胎之醴而沃其丹田氣不外

驚神將內完彼得全于酒何如得全于天而沖然冷
然存以綿綿者乎又有娛情水石玩心花鳥耽于執
事託于技巧情有所屬則物不能遷興有所寄則他
不能擾要之猶假外物以自鎮終于性命之未了聖
人不云乎得其一萬事畢至潛者非外至精者非物
而胡爲以其自鎮者反以自滑吾有三寶曰精氣神
通天通地生物生人放之不在六合收之不在吾身
搏之無影執之無根驟而索之不可得徐而寶之良
可珍古有英雄豪傑環人儒士能愛惜黔首樽節馮

生人爲之給家爲之盈而不能

自蓄其精能駕馭羣
雄鞭撻海內弄愚庸

于股掌使天下于指臂而
不能自御其氣能呼召風雨移易星辰一言疾于桴

鼓一智妙于轉輪而不能自調其神內寶不足乃索
之于表少嚼其味以爲美好暫得亦可娛失去不可
保得之則菩提失之則煩惱噓之則榮瘁之則槁又
何以齊得喪一壽夭出病歿離生老是非吾之所謂
寶也夫儵然而有孰爲之造儵然而無孰爲之耗有
生必滅不滅者神有形必壞不壞者道陰陽者命也
太虛者性也玄詰者聖也實修者證也靡善匪聖也

靡惡匪逕也有爲之善猶爲陰陽之陶鑄無爲之善
乃執乎造化之擲柄擲柄在我何物不超何情不冥
何境不寥出塵非潔居塵非淆處寂非頑遇喧非囂
惟苦非扼履順非驕圓通非僂變化非妖蟲臂鼠肝
以爲幻相山河陵谷以爲海潮物有去來而我無去
來歲有昏朝而我無昏朝混人羣絕町畦而不爲蹠
蓋步日月蹈金石而不爲虛枵又安往而不得其所
逍遙者哉乃于是平仰天而嘯蹋地而歌太虛不答
流雲自過拾野花之的的盼碧山而嗟嗟

五言古詩

遊仙詩

大道鼓羣品鉅細合元氣鑿志離冲玄養德全和粹
琴毘天天年至人唱冷世元神苟無虧不歿良可冀
鴻濛開寓縣赤

黃帝訪崆峒大隗隱具茨

始射歷氷雪王母臨瑤池老聃葆谷神關尹識其竒
玄文五千言靈光照萬期王喬棄人世弄月緱山巔
一遇浮丘伯千秋凌紫煙琴高吸沆瀣清虛何泠然
青天御赤龍萬人爭喧闐浩蕩安期生采藥蓬萊上

白雲集 卷之二
樹晶丹霞天風卷白浪東方渡紫淵鞭虎遊溱瀆
朝去暮歸來空爲神母愴帝皇不能知竒縱本宏放
麻姑自天姥方平亦神人導從一何都麾幢軒高曼
共言浮世事局促不足陳三度見清淺滄海行揚塵
峩峩魏夫人修真領南嶽西華秦毛女飛行出寥廓
近世有真人授道登上清發枕得鴻寶吹簫學鳳鳴
紅顏生羽翼丹臺留姓名一朝遂冲舉人貌而天行
復有文章伯綵毫一何綺琅函啓靈媛北面稱弟子
萬事脫手空智滅羣動止向來飛揚意蜩蟬盡枯死

采藥碧山阿選石青谿止造化有至寶朗秀天門開
精華發麗藻聲名鬱崔嵬太白豈凡骨淮南故僊才
英雄一掉臂逍遙絕蓬萊小儒昧大道禪虱與醯雞
幽玄出塊北欲叩無端倪何況擾擾者七聖終然迷
求之不可得往往謂迂怪慾火煎其膏塵沙棲其帶
身坐晷刻中目營千歲外黃河奔不休白日吾將奈
隣予滄海東四十抗塵容半生費心力慧媿工雕蟲
年來厭馳逐息影憇長松丹經苦難入石髓不可逢
空念留皮骨誰爲鑿心胸潛焉湧浪下傷此浮世踪

白梅集 卷之一
何當遂西走立槁終南峰

衆芳亭燕坐

亭空日初澹坐對青崖小鮮雲度虛牖斜光瀉明了
山鵲來幽篁池魚上嘉藻縣齋聊足寄長林夾迴谿
息機復抱拙忘言桃李蹊吏散晚峰紫兀然居士棲
焚香滿清磬緇經臨竹西調心有真訣觀化無端倪
往者既已逝來者不可稽一言悟禪觀煩惱爲菩提
雖非面壁日離塵躡丹梯

紫煙閣

高閣凌紫煙花低繡佛前下疑人世隔上與星漢連
有官心不染無事身安禪香清燭逾冷夜靜雲轉鮮
開簾迎寶月掩戶冥諸天凡慮日以滌得意誰與宣
繁華歛露電苦爲憂喜纏萬物無不妄迷人自相煎
吾今解空理塵居遊眇綿

衙齋有幽趣何異在東林太空本無礙吾自障吾心
吾心苟無障萬象從蕭森朝霞帶寒水夕陽明遠岑
清齋禮大士高誦海潮音詎云超上乘聊用洗靈襟
端居視飛鳥興至橫鳴琴逍遙玩人代寧敢廢欽欽

此身諒非我况乃問升沉

青谿泛舟

輕舟凌長谿仲夏風物繁
遙看青谿移坐惜紅芳盡
鳥從東臯下日向西峰
隱所喜孤雲併暫謝羣動引
乘理遊虛空安能事紆軫
盥手酌清泉無言獨微哂

聞周元孚至自楚却寄

元孚澹蕩人皎皎歷冰雪
楚服好椒蘭時人忌芳潔
一官不稱意煙濤弄明月
心好川鳥冥調入山雲咽
五月下巴陵扁舟向吳越
吳越有故人平生肝膽親

一爲折柳別幾見絳桃春
欣從大湖至日望大湖濱
喚婦釀綠酒呼童採紫蓴
寧能惜明燭好與話風塵
卿官不稱意吾亦爲小吏
丈夫懷遠心豈爲浮沉計
相思總含情相見不共涕
寒暄草草罷便及水雲鄉
君行多澤國一半入微茫
鳧雁空沙淨蒹葭晚日涼
高峰壓雲夢野水足瀟湘
漸遠荆門樹蕭條秣陵路
江吞鐘磬深寺挂星河
曙欲覓六朝僧不辨千巖處
俄停楊子橈東風吹落潮
逢人訪吳會斜日眺金焦
青螺天表抹碧殿波間搖
渡江須一葉中流混六合

白相集 卷之一
鼉鼉可作梁曜靈莽相挾後有洪濤催前有暗浪接
身世都浮空震且不盈睫平生汗漫遊茲覺心賞愜
眼前吾與子託身在天壤雖抗風雲心實帶煙霞相
骯髒不自銷大才并泮統一旦淪泥塗千秋爲悒悵
寧令身坎廩肯使氣凋喪寂寞與道謀飛揚自天放
白壁如不收青山故無恙迎君愁送君聚散恨秋雲
津樹蒼茫合河梁慘澹分終期同皓首結屋_在谿濱
檉蘿最深處長嘯出人羣

詠懷詩四首

有序

詠懷者懷廷尉宗伯學憲印公也余自栖心道門
每懷獨往顧方困世法抱志未伸孟冬出行田間
悵望婁上興懷四公爰有此作

廷尉

孟冬行田間蕭蕭披草莽寒霜落夜波空煙出朝爽
忽憶王子喬滅跡青霞上少年富才華鴻名照天壤
中歲遇至人揮手謝塵鞅一領要眇言早悟羣動妄
葉落見天根智黜冥象罔逍遙步雲房陰蘿殿門敞
金磬挂松風澹月霽以朗偶采青芝遊始覺紅蘭長

白梅集 卷之一
手把八空氣須彌大於掌名字注上清玄理超惚恍
會見千秋下山頭鶴來往

宗伯

山川發靈氣休嘉應千年冥探石函記高誦金笥篇
夫子瑠樹枝骨法理應僊篤生迺上智大道排冥筌
天樂日盈耳列真時周旋夕侍金母側朝謁虛皇前
迴谿弄碧月高殿生紫煙門將蒼虎守書付青鳥傳
吾身有至寶富貴良可捐養德合無爲抱神栖自然
念此心紆軫其如塵網牽

學憲

學憲上根人琅琅抱奇穎秉心故清真好道何勇猛
脫屣浮世榮徹悟片言頃朝披華山雲暮泛黃河艇
歸來築幽室坐使喧囂屏動與禽魚親靜合煙蘿暝
月破廣殿陰露下微鐘冷清齋朝上真紅霞落幡影
哲兄與令弟同時涉玄境不聞王延壽頡頏緱山嶺
英雄多此輩世人那得省

道印

吾師高足徒印公最清發戒律一何嚴釋典亦已徹

况乃生佛世靈篇授真訣身如龍樹雲心了虎谿月
面壁復多年神超智乃絕黃葉積寺門青松秀巖穴
風微鐘韻清雨濕龕燈滅余將渡迷津終然藉寶筏

寄荅汪長文

我聞大雷山迴峰絕青天故人栖其上入忘歲年
閉門挂秋月空樓出朝煙牀頭積松葉厨下過流泉
幽居異人境冲抱長蕭然我行苦吏牘百憂日相煎
言念栖霞子時掃大石眠曾無白雲期空有白雲篇

寄荅劉子威侍御

丹霞曜朝日碧漢羅秋星伊人握大物山川助精靈
雄藻含神霧吐辭妙天經高者凌岱嶽深者沈玄冥
剗心出四極日月奔不停秦皇登之罘軒轅臨洞庭
舉世皆下里誰爲識者聽余少好雕蟲西京及黃初
中歲逐牛馬此道日以踈三年離百憂雙眉不一舒
罷勞思少憇息影逃玄虛文繁精乃亡夸者寶其智
偶與真人期一得當關吏徐甲終爲枯文始那可冀
吾聞劉武威面有煙霞氣請思太上言會應函中記

寄曾大司空

山川雄楚甸煙月開荆門祝融鎮南服洞庭吞中原
下有洪濤合上有白雲屯美人珮芳潔江介多蘭蓀
大國擅靈詰實生瑤與琨峩峩大司空至人秀乾坤
知幾故有道觀物超無垠春華麗絕代冲然貴其根
應世妙玄德卷舒龍蛇存功烈被天壤鴻名一何尊
心將眷蘿薜跡乃溷華軒一登廣莫府獨寤逍遙園
曾聞鶴上人親遺雲中言凌空雙劍化映月孤霞蹇
功成堪度世遊戲於岵岵文成與鄴侯總以千秋論
泥塗望霄漢日暮勞心魂

送岡伯孝廉北上公車

英英南國彥文機挾天章門風有藍田家學服青箱
少年拈綵筆一一掩隋梁來自鬱蕭宮借色翠瓔房
雲鑪騁天步超然覽大荒一授靈人記栖神入壙垠
人言列僊籍從古多姓王長史及玉斧同日朝虛皇
世緣苦未了冥鴻下來翔聲名爲時有安得久雲廊
暫辭煙霞外相依日月旁道精以治身其餘總糝糠
行矣胥人爵努力勤皇王瞳瞳徼日出流光射扶桑
六龍迅於矢倏忽而頽陽功成人代不成亦何傷

平原與鄴侯千載無低昂勿以土苴物易吾珪與璋
留別王敬美道丈二首

江孺巨波吼地撼龍子宮流潦滿南國九陌無西東
不惜毛骨苦所嗟杼柚空征夫復行邁父老悽以恫
感彼歲云暮念此間左窮疾風捲飛藿日照寒沙紅
况乃別良友輕車感枯蓬風煙莽前路豈不眷微躬
知命自無悶守道貴玄同栖神泊夷曠安能問險巖
高天易揮手流思雙鷓鴣

夫君五陵客風期颯冷然千秋吸靈氣一往凌紫煙
采芝林屋洞控鶴華陽巔論才一何儁揣骨故應仙
嗟我戀五斗歲晏馳迤邐回門而異趣反顧無乃羶
猶復念儔侶琅琅錫瑤篇高標旣云邈孤懷難爲宣
風塵儻不入憂勞詎能煎大道無町畦含光以自全
我行涉苦海君留耕璫田回首煙霞友長雲沒遙天
去去望鞭影庶其求冥筮

夜宿恬憺觀二首

夜宿寥陽宮神臯帶綠沼玉界故瓊瓏金牕鬱縹緲
露下寒河青孤月出天表絳蠟高復然爐煙細猶裊

白梅集 卷之一
跏趺法座前深夜轉幽悄靈風颯然來殿角紅雲繞
帳開旛影動香氣觸林鳥知是飈車回虎佩鑿囊小
鶴舞空不下簫響霞俱杳冥心參上真抽身苦不早
慙媿雲華篇何時拾瑤草瑤草亦易逢塵緣尚難了
所貴領清虛浮榮何足道

吾師五陵主普度發弘願立教獎人倫給孤與苦縣
道成乃登霞白日步青漢日月閱雲房風雲護龍篆
自從違靈音三載猶昏旦人生火宅中百年奔駭電
伊余抱素心誤爲塵網絆苦海浩無津吾師夙所歎
愍然下寶笈拯我于彼岍諸有所以空一官尚爲幻
巖城促簡書辟蘿詎能戀暫憇亦冷然一往何由見
出門卽泥沙長途急霜霰努力佩遺言忘身乃無患
智固不如愚貴豈能勝賤

春日風雪過開之綺雲館作

一從馬蹄來悔與煙霞別差可同心人高天共殘月
曉起庭戶寒流風入迴雪初陽忽相照爐香坐來歇
遂令名理廢冷然人世絕寂寞道所貴去巧存其拙
跏趺大士前端居悟生滅瓶水胡以凍窳篠胡以咽

白梅集 卷之一
我欲參此理但恐生分別宰官居士心一往形骸徹
登彭城子房山與仲文

留侯昔佐漢頓轡此巖阿青天夜無人碧山自嗟峨
古祠縈灌木石戶垂陰蘿田烏下楚隴牧羊猶楚歌
我與使君來古路送殘日林昏列炬開月照衆山出
飛煙漸廓朗洪河復蕩滴一往成萬古遂與伊人失
伊人煙霞姿濁世號英雄玄心栖道真其智乃如龍
受命在素書拔劔浮雲空椎秦秦莫得事漢漢莫籠
手提造化柄遊戲太虛中偶讀青童歌始知紫煙客

時危故奮身事了應匿跡雷罷列缺收風止波濤息
譬彼逆旅人往來寓空宅區區萬戶侯安能冒冥極
楚漢今煙草伊人去不還當時一歇馬千秋名其山
縣厓雖可步高韻邈難攀桂酒露滑滑日暮摧心顏

遼陽曲四首

銅焦夜鳴急胡兒犯塞垣營開勁弓滿大將坐轅門
不見短兵接但聞哀角喧邊人無所惜所幸老稚存
月黑胡騎去疾如風雨奔參軍草露布列校收橐鞬
營前牛酒熟城上歌吹繁天明寡婦哭邊人歿荒村

流血草木腥積骸天地昏婦啼向人語之歟寧無冤
胡馬既以去誰當殺元元須臾官軍至吞聲不敢言
遼陽八九月草歿邊風肅匈奴領燕支魚休盡所欲
駿騎馱黃金羶車載寶玉敵弓委長衢羸馬棄大陸
收之歸轅門併作橫吹曲安所得首虜關前有樵牧
孤城白日大慟哭長城下男兒產邊垂人命猶裸羸
老稚各相戒寄語召新者秋高莫夜行遠出向原野
亾猿禍林木寒燒成遺火寧遇胡兒掠毋遭漢兒邏
胡兒猶可生漢兒來殺我

快馬走健兒乘傳日夜馳大車白玉牀小車黃金卮
胡女顏如花不畏邊風吹累月教歌舞金翠紛相披
妖豔真絕世云將有所遺暮發列侯印朝塞大將旗
立功有長策安事邊垂爲斬虜千萬級不如一燕支
送曾于健侍御左遷還吉水

美人出製錦孳孳勤萬民精誠厲皦日逸氣凌秋旻
閭左歸慈父豪右驚明神一朝奉徵書來爲驄馬客
鳴珂散林曙垂鞭禁煙直緋衣侵殿香白簡搖霜色
臺端席未暖言事何慨慷朝聞奪柱下夕見指江鄉

白朴集 卷之一
榮貴亦可戀其如烈士腸理權河水合驅車隴坂長
秉心甘荼蓼寒風吼枯桑廬山白雲冷六載遙相望
暫歸理芝朮古路饒松篁匡君遺藥竈惠遠留禪房
高吟撥明月閒眠送斜陽幽事良足快寥廓行翱翔
但恐胃薜蘿遂欲忘珪組自非沮溺徒竒抱尚須吐
匣劍有光惟安得老塵土一了英雄心乃作煙霞主

贈湯義仍進士

吹萬布駘宕震旦何煙熅萬形各有閱不閱惟元神
初陽潛虬動霜降宿莽陳商聲下庭葉清角出游鱗

銅鐘感蜀山古鐵應蕤賓金石訇然開颺車踏星辰
乘理豈迂惟至人抱其真方諸與陽燧要以氣類親
同巷匿不見九州猶比隣睽離本無故契合寧有新
寸心杵曰在片語桑陰申夫君操大雅負氣亦磷磷
風期竊相似終慙玉與珉同爲蘭省客當前詎無因
胸懷久不吐宛轉如車輪丈夫一言合何爲復逡巡
願奉盤匱往投醪飲醲醇青雲儻提挈勉旃千秋人
圯橋進履圖爲胡民部賦

天地幹元化屈伸猶張弓滄海不辭下洪濤欲排空

神龍未騰驤伏爪與蛇同玄豹養文采乃隱大霧中
士也遭風雲叱日鞭豐隆當其蟠泥途屈體如凡庸
能大不習細何以稱英雄子房跌宕人束髮美白皙
婦姿而龍性翕蕩空八極勁風自西來咸陽黯無色
匹夫椎彊秦大索不可得何物黃石翁化剛爲選奕
廣心出冥寥高足示偃蹇孺子解折節納履何欵欵
無復猛氣存坐令雄心短長跼授素書六合從舒卷

春夜雙寺看月

浮煙散九衢孤月照雙樹天河遶微鐘星白夜疑曙

雲堂禮金僊香巖寶花聚津梁寧有罷大道本無住
心境故雙冥尼珠破沈昏除境不除心轉爲生滅根
喧亦非世路寂亦非空門瀑水豈不響流雲豈不奔
自得靜中相彌清人外覓月光滿大千舉手不可拾
旣舍樓閣虛復浸衣裳濕坐觀山河空靈籟寒風入
宿雙寺

大雨響空林雲垂四野幕須臾鳴電收春陰散寥廓
丹霞夾層城斜陽薄虛閣暮色澹如水雲房坐來清
松外斷人跡花間聞磬聲迦毗作梵語剎那學禪悅

白梅集 卷之一 十三
仰視天宇朗了然理障徹未入白雲深輒與絃塵別
既得對高僧况復待明月

由虎跑散步入三天竺

行行入靈境漸與人世別懸厓墮青冥迴合莽膠膈
石路忽中斷長天乍披豁頻視谿水平危梁陡橫截
潭上不見人空沙皓如雪脩岡帶神臯雲房在清樾
當牕映棕櫚偃戶饒松枯僧衣挂垂蘿落日煙磬發
山厨接飛溜琤琤駛且列瓊簾寒不收玄珠歎可咄
龕燈蒼虎守野霧紫麈滅攬衣肅然恐四顧迴寥泐

惜無和歌人孤賞自幽絕

登吳山宮觀眺羅刹江

山殿控鉅野孤高壓名邦鑿空出洞門剝雲開石牕
挈攬勢不止豁衍氣何麗上奔駭落日下走盤長江
天空野風急地湧寒濤撞松根疑捲去萬峰入淙淙
神靈好權譎龍驤瞥焉降僧帶白雲孤鳥挾青冥雙
逡巡海月細微鐘動旛幢

送王蓋竹先生還天台

東南割神秀天台盤海色朗月射陰崖飛流映丹壁

石梁橫巨壑下窺窅然黑造化界神區遠與塵境隔
曾無樵牧人但有仙靈宅谿上聞鐘聲巖前留虎跡
洞門暗松葉山路明桃花天青神姝出垂璫浣空沙
豐干弄白雲寒山滅紫霞華陽與桐柏乘流鉅胡麻
至今耽竒人往往接靈異彷彿見琳宮咫尺不能至
夫子住山中風期久出世學道悟性空讀書知了義
時吐山林言總帶煙霞氣偶來觀帝京玉露開金掌
暫逐馬蹄塵不作馬蹄想區中畢俗緣人外得玄賞
夢入蘿月深耳邊松風響明發指家山冷然遂獨往

奉送蔡師出按淮陽

驅車出薊門交河水乍裂淒卉變條風寒雲散華闕
花氣吹平林陰厓尚殘雪吾師抗前旌斗酒城南別
天高煙沙輕日落葭蕭咽行行指淮甸持斧心何雄
布德乘時令采詩知國風郡縣負弩矢父老迎花驄
嬰情詎小鮮恫余存大東西方蹄踈滅南陌靈南櫳
薄領亦多暇焚香官舍空神飈入松栝朗月挂簾櫳
攤書謝塵鞅求古尋鴻濛

送羊子豫侍御出按江南

夫子昔與我刳心事大道逆旅數促膝微言剖竅妙
混迹尚玄同抱影立深峭真元在密緯發精復埋照
標此人外蹤冷風吹窸窣煙霞紛孤朗日月闢雙眺
游世操虛舟羣動等溷黷郵客有去來靈宅無靜躁
飛揚氣彌沈搖蕩神不掉雖在珪組中何異栖雲嶠
我留直蘭省君行稱憲臣江南多靈境水石何繇々
神臯帶迢遘僊山盤煙熅櫻葉覆古洞桃花照通津
春日出按部芳甸洽嘉辰野鳴黃栗留麀麀隨車輪
陽和蘇萬物因之歌采真誰知乘驄客乃是驂鸞人
塵世不幻跡神明示應身終然尋實際去與洪崖隣

紫陽庵作

靈峰盤陰森一一疑飛鸞天牕開石扇瓊瓏雲霧屯
斜陽挂寒溜秋潭生夜喧清冷若神漢下浸古松根
仙人煉藥處至今遺蛻存山風吹鶴巢天香送金磬
竹房寂無人暝色返孤暎犬吠浣花源猿迷采芝徑
平生愛林栖端居愜幽興

東湖宿大慈寺

坐覽湖山上高霞澹空色踈花竹牀深暝葉松門積

荒陂絕人行但有蒼麕跡勁風遶洪波浮天搖崩岸
陰崖石氣寒古洞水痕泐雲堂晚鐘微日落野煙白
僧定香轉清猿啼境逾寂學道割情戀胡爲眷泉石
堀螺日紛輪欣賞此晨夕桂冠來何遲永願謝羈勒

大伾山莊詩

大伾橫秀色千盤上雲表古佛開叢林寒溜崩墓道
陰洞夕陽入天挂秋虹杳中有黑霧屯外有丹霞繞
奧交潛蛟龍風雷時天矯桃花夾石梁樵人行木杪
下視無底壑目眴神亦掉往往見僊人吹笙拾瑤草

我聞逍遙子卜築此幽棲礪琴浮濕煙山厨接廻谿
牕楹隔修竹清猿日夜啼老僧共焚香玉童教煉藥
偶對花間奕不知松子落坐遣浮生累高情寄寥廓

寄沈士範因憶先太史君典

幽州積古雪南國吹條風杲日照芳甸綠草搖春叢
陵陽有靈跡霞洞開瓊瓏天插石屏峭水映松門空
美人玄豹姿霧隱盤陀上衛玠神清冷玉珣氣散朗
采秀寄孤標鳴弦愜心賞我友昔云逝瑤華隔三春
結思水曲燕流恨山陽人有子差足快儼然具風神

關門踈煙黃交河暮沙白匹馬空踟躕雙魚不可得
丹霞麗城隅萬里睹顏色雅抱出世心且養凌霄翼
努力駕風雲無爲眷蘿薜

送孫文融扶太夫人喪還勾餘

我有生平友寒芳抱明潔發精而吐華風期暢勁越
天藻一以爛靈光庶不伐乘時在要津冲虛朗披豁
旭日麗頰霞秋潭下寒月心自空八埏身漸登九列
一朝失賢母仰天泣成血魚軒萬里歸河梁遲朗發
賓朋走如雲相送各淒絕幽川息息氣深飛沙被林樾

鳴禽變時卉天高風猶烈長颿凌洪河日落水聲咽
精誠感鳥傷高墳傍禹穴有生故應尊至情詎云割

贈張洪陽司成四首

元佳如轉轂淋漓散無垠總逐有無相詎知生滅因
榮華遞飄忽摧毀亦逡巡陰陽陶萬物不能陶至人
大亦無須彌細亦無微塵雷霆擊海水了不驚其神
所寓盡郵傳含光葆天真來往躡空碧乘理駕飈輪
玄風一何暢夢寐欽哲民

青蓮產濁水愛此孤芳根古來得道者大慧如沉昏

口吐牟尼珠要言故不煩仰擘虛空碎俯踏崑崙翻
情冥境俱適所履無寂喧迹將世路溷心與高霞騫
萬緣到手盡抱虛守丹元浮雲住空定何必桃花源
回首駭鸞鶴飄飄空八垠
割水與鏤冰人生石火逝何物超三界而不廢世諦
四大詎屬余幻形載虛器誰者爲真我煌煌照千禩
有住卽漏因無相三摩地偉哉通人識太清絕纖翳
希言毀慧光密緯固靈炁童子後離蟲朴散神乃敝
撫已涕沾膺寶筏庶可冀

大道貴埋照揚聲忌挈鈴爨下匿靈人金門隱星精
上帝忽見召其事乃始明夫子下濁世夙昔居瑤京
一身應八百偶骨三事榮黃閣列珪組丹臺書姓名
余少厲耿介頗矜千秋情一聞柱下旨學道在尊生
逝將舍文苑相期遊化城

范生詩

范生名應龍性至孝清真好道高義絕人其行具余傳中又爲之詩

范生號有道抱朴心無營漢潁絕機事呂果蹈精誠
剖股見純孝苦行逃時名垂簾開卜肆季主與君平
家貧復好施釜甑常不盈翳桑活靈輒壺漿下爰旌

長齋禮天竺息影尊餘生白日謝塵鞅青天聞唎聲
余昔宰由拳簿領躬飭些雖乏彈琴風頗遵戴星理
部中有任棠當門沮注水余欽霞外迹折節拜龍丘
君亦用感激謬許賢令儔將母云南邁遠送長河舟
挽纜凌柱渚拾穗行道周母聞欲分橐鴻逝不可求
計吏飛雙鳧逢逢赴京關千里挈輕舸痛哭臨江別
東走落迦山海濤白如雪夜謁曇真宮北斗墮寒月
奔義駛湧泉好道怒饑渴余遭讒人喙挂冠出國門
阻凍潞河上野曠塵沙昏邊霜墮木葉朔風捲蓬根

君聞投袂起雪涕申苦言郭亮抱孤憤寒朗傷煩冤
人情不足問神理顧安存蒼皇唁征夫出門何草草
不裹三日糧遠涉萬里道行經露筋祠那逢擊絮媪
餒病不能前足罷顏色槁途窮委頓還此心良未灰
吾以赴賢達安能歿蒿萊數月疾差已努力復西來
鬻室治輕裝捐貲賴良友阜帽僅裹頭青衫不掩肘
八極詎爲逢六尺亦何有余時旅泊久殘陽照茅茨
有客尚滿座有酒仍盈卮款扉報君至入門天淒其
長號踣伏地淚下如斷縻四座盡感泣掩袂各歔歔

手出兩白鎚納余懷衷中忍飢餘口吻留以表深衷
傷哉古廉吏官舍常屢空人知原郭俠誰信黔婁窮
昔年去朝天行李太蕭索梁上懸雙魚門前守一鶴
罷官亦奚論何以理歸橐客心慕高義挈之遊五都
遂欲叫閭闔提章繞周廬道遇紫衣叟叩馬訴踟躕
莽莽雲月澹哀哀聲淚俱忽去滅蹤跡轉眄空蒼煙
南還約共載物色竟杳然第急使君難不附使君船
玄豹嘯暗谷俊鶻搏秋天千載高士傳寥寥玄晏篇

荅贈程元方

我乘新安艇灘瀨何洄沿灘灘清且駛江樹搖雲煙
漸達三天都采阻窮個遭羣山合沓起碧石梳紅泉
土風亶龐厚人物多豪賢函翁執牛耳諾子何蟬連
元方苑三秀含毫抽上玄偉哉中郎識寶我論衡篇
詬省媿虛薄義將金石宣

荅贈程思玄

思玄美瓊玖泠泠標清識况以葭莩親結託文章伯
神精久濡染元氣受裂磔東阿早登壇爾據應劉席
辭藻紛盆涌而內抱純白函中一傾蓋不言心莫逆

白梅集 卷之一
忽枉瑤華音媿媿寫胸臆徵我有道碑高義永無泐
萱草榮北堂荆花樹西宅張仲稱孝友太丘表通德
文人好慢世欽欽士所則

荅贈程延清

延清未把握文字託神交少年美修姱遠意結冥寥
題書緘素鯉江上問縞蕭縞蕭護落子學道躄玄超
檻外屯神霧門前吼靈潮溷迹自奏壤抗志在煙霄
鳳鵠日冲舉蟲魚徒刻雕髮短頰亦禿安復事嚶嚶
成子以士古我退處君苗

寄左司馬汪伯玉先生

二儀莽膠葛元氣含渾淪萬物揚藹藿歛忽歸其根
泄越道所忌至人實沉昏亦有揭朗日煌煌照八垠
竺乾富函藏燕老垂玄言抽機炙輶出持論秋濤翻
溟滂和天倪還復收真元火德曜無我醇醪以爲殮
函翁抱上智洪河通崑崙總持會三教探委窮靈源
學道悟聖諦人渺闕藩垣直達無名始深入不二門
性命旣了徹人倫一何敦高文苑鴻暢光如衡岱尊
百代坐相失萬象咸來奔人爭希咳唾家競購瑤琨

雕彩豈不盛中有玄德存豐下協充符標峻孤霞騫
道本兼華實境將妙寂喧日余趨下風稟令奉縻韉
猶復事冲挹意氣卑溫溫偉哉大導師矢志靡敢諉
雲中墮琳札陰翳開朝暎何以荅明貺因風寄芳荃

此卷卷末有文得存世下論其時無不稱頌
道本兼表管境將妙契宜曰余趨下風草人
猶後學中抱意氣卑溫溫偉哉大導師矢志
去中下琳苑陰翳開明敬何以谷明照因風
育芬香



